

詩

和  
集

三

共十



農巖集卷之五目錄

詩

春帖二首

子益來宿有詩次之

入城投宿仲裕家要洪生世泰與語

次洪生韻

次權生亨萬韻

又次律詩二首

又和心字三首

淑徽公主挽四首

道以自書院入城口號人贈

還山路中

到叢巖

次季愚韻

道以徐宗集來訪與游川上道以有詩次之

觀釣二首

清泠瀨疊人字

次道以韻

同諸生流觴羹魚時小樓新成

同諸生尋白雲寺過桃李坪次劍南韻

仙游潭壘前韻

路逢寺僧

次崇兒韻 二首

曹溪

次道以韻

送道以徐生出山

送二生夜坐有懷 二首

敬次伯父題壁韻 二首

又次前冬下屬韻

伯父許過臨有日而不至輒次乙亥題壁韻

閏三月初六日記事

清泠瀨新樓書興

觀耕

別農巖

入道峰

待友

十五日率諸生詣廟焚香次崇兒韻

次崇兒韻

次崇兒韻

次道以韻

川上夜飲得霄字共賦

夜飲舞雩壇行旅酬禮以空山無人水流花開

分韻得空字

諸友將以次出山臨溪酌酒用唐人韻共賦二

臨別口號

黃遠伯劍江榭見盆梅有感

過索笑菴

共趨子直登漁舟子直有詩次之

沈監司權挽

成川尹使君仲綱世紀將行授簡求別語且寄

一壺酒賦贈 二首

李判書美叔 秀彥 挽

沈玄玉 瑛 委在江榭聯枕晤語臨別索詩甚勤

口占以贈

往棲水鍾寺

十五夜與諸生會坐隨意誦古詩明日各賦絕

句記之 八首

十五夜東臺與諸生臨眺

夜坐有吟寄書院諸生

敬次伯父下示韻 二首



宗嫂柳孺人挽

吳上舍啓休

玄錫

千里命駕託以兩郎臨去索

詩次林德涵韻以贈

吳君與德涵交好甚密數數道及歎惜不已見  
誦一絕雖甚寂寥猶想見其過從留連之意

聊賦小詩見意

九日與諸生攜酒登高

二首

效劍南

次劍南新涼夜坐韻

又次東隣築舍韻

九月十二曉

次劍南山房韻

又次野渡韻

擎天來宿朝起共次子益前日留題韻

十八日即事 三首

詠小菊蛺蝶

入道峰

次崇兒韻

夜宿光風堂感懷

朝起有雪

枕流堂夜坐共賦深字 二首

士敬贈盆梅有詩次韻以報 四首

甲申有感

賦梅用疎影橫斜水清淺為韻 七首

子益來宿曉起有詩次之

梅花就謝而月始向明感而有作

臘月十五夜即事

淮陽使君俞道叔 信一 臨行枉顧江舍歸後又

寄詩為別追步見意 二首

大雪後于益來會共賦皐字 二首

次子益韻

十八夜

子益過廣津黃氏亭有感懷二律寄示和之

除夕詠所見

除夕次東坡簡齋劍南牧齋韻

四首

農巖集卷之五

詩

春帖 丁丑

樓上芸編永晝開  
絲竿懶向釣魚臺  
春苔滿地何人破  
時有青衿問字來

其二

冰破江門暖不遲  
荻芽蒲笋欲離離  
中洲無數新浮鴨  
春興還須共爾知

子益來宿有詩次之

弟見相對樂怡怡  
簾閣懸燈坐夜遲  
一席講評皆格

外梅花香韻白沙詩

詩句實事也白  
沙自陳白詩

入城投宿仲裕家要洪生世泰與語

洛陽三尺雪春後猶埋屋吾弟兩版門終日無車轂  
歡我今夕來延入乘明燭室中更無物蕭然書數軸  
脫裘護寒梅此意良不俗古幹感蒼虬秀枝削青玉  
枝頭數蒂蕾未破已馥郁先天藹真意一氣含冲淑  
即此勝紛披未要相催促呼酒與煖蒸銅壺漱微綠  
未可無詩人有來自北麓高唱發陽春二歎未易屬  
吟餘見橫參危坐轉清穆更為來夜期春酒可能續

次洪生韻

吾衰自逃世人道似於陵釣艇金臺雪書龕石室燈  
經過偶城郭信宿爲親朋寂寞詩壇事慚君問代興

次權生亨萬韻

灌園久息漢陰機捨瑟長懷曾點沂寄語青青衿珮  
子百年心事要同歸

又次律詩

吾老君當戒難追少壯時心源未息浪道域豈窺籬  
習後鷹方擊傷餘虎始知臨分欲何贈淇景有前詩

其二

書樓罷晨讀吟望獨多時曲沼三垂柳遙村數掩籬

山晴啼鳥悅江暖浴鳧知已欲無言久因君又賦詩

又和心字

聖賢千語只求心終古相傳無別心最怕見時猶未  
的錯將私己認真心

其二

衆慾交攻一箇心誰人不喪本來心斧斤山木猶萌  
蘖試向平朝看此心

其三

姚姒當年授受心炯如寒月照潭心分明精一無餘  
法莫遺人心間道心



淑徽公主挽

聖祖周南化自家  
允宮當日詠穠華  
風流都尉神仙  
近簫史秦樓未足誇

其二

帝女叢筠血淚長  
幾年瑤瑟怨瀟湘  
桐陰鸞鷺無零  
羽思子臺高更斷腸

其三

薤露歌悲舞鶴前  
雲旂曉上北神所  
不知靈匹重泉  
夜可似雙星會漢年

其四

次第宮官護券來禮隆尊屬極榮哀他時沁水桃花  
徧應憶前春 御蹕廻

道以自書院入城口號以贈

靈盡春江綠映沙湖亭別意悵年華天機來來何曾  
息世事紛紛未有涯閑處須君明著眼名場自昔易  
生殺向來此道商量以今日臨分意更加

還山途中

老去形全瘦無妨跨弱驢隨身一領被裝索數編書  
紅入山花少青生野燒餘歸歟亦何事只是愛吾廬  
到農巖

投老山林自往回，何曾麋鹿妄驚猜。  
下驢便繞新池水，覓杖先尋舊釣臺。  
芻蕘欲生農已起，柳枝纔插雨隨來。  
不妨花事今春晚，正待吾行續續開。

次李愚韻

還山無日不閒行，白石清泉到處明。  
野友詩筒非俗事，隣僧菜把見人情。  
魚迎穀雨鱗鱗上，鳥醉花晨滑滑鳴。  
頗恠陶潛稱達道，却將時物感吾生。

道以徐宗集來訪與游川上道以有詩次之

花發空山不見人，白雲終日只相親。  
濠梁正好論魚樂，喜爾能來穀雨辰。

是日即穀雨

觀釣

篲篲長竿倚釣臺一溪魚隊共磨腮  
深潭老鯪難當見香餌前頭冉冉來

其二

自信機心久已平偶因觀釣却萌生  
素琴早是無絃在幾被傍人恠殺聲

却一作有  
一作問

清冷瀨疊人字

可但冠童若箇人禽魚麋鹿揔朋親  
春光不盡沂雩後分付吾儕樂此辰

次道以韻

雲水嚶嚶鳥春潭發發魚天機取次會於此欲忘書  
同諸生流觴弄魚會者凡七人時小樓新成  
同人何自遠相求正值吾成松下樓三月風光七春  
服百年心事一虛舟詩題白石看看徧酒逐清湍冉  
冉流魚膾藥苗還不乏可能隨意作淹留

同諸生尋白雲寺過桃李坪次劍南韻

水囊山重一路通桃坪籬落霧新紅不綠隣社常來  
往應恐神仙住此中

忘一作詞

仙游潭疊前韻

清湍曲曲自回通側石幽花數辨紅不管招提路多

少題詩且坐水聲中

路逢寺僧

三尺驢兒一幅巾  
芒鞋隨後數門人  
白雲深處山僧出  
遶道相驚畫裏身

次崇兒韻

世外雲泉自在清  
十年來徃鬢毛明  
白蓮菴子讀書處  
每憶曉窗溪水鳴

其二

招提路盡更深松  
澗草香餘鹿麝蹤  
箇裏尋源吾自慣  
日西隨意到中峰

曹溪

幽禽百轉日斜暉  
跂石攀蘿未欲歸  
更指曹溪可憐處  
水簾十尺向人飛

次道以韻

百琢羊脂玉排成  
上下巖霞標回翠  
壁練影裊金潭  
谷冷春猶雪山深  
晝亦嵐東峰僧指  
似恰好置茅菴

溪東山半有可置屋處  
吊僧惠允曾以語我

送道以徐生出山

寒驢如狗小奴孱  
驚我衡門盡日關  
釣處魚飛明月石  
詩成墨灑白雲山  
不妨桑下經三宿  
休說桃源易

再還伐木歌長相送罷林禽何更語  
啾啾作說一

送二生夜坐有懷

二妙朝來別山齋久倚楹定為雙谷宿能憶白雲行  
燈火春宵影溪流昨日聲相思欲有夢怕近漢陽城

欲有一作豈無

其二

不有聞是喜應無判袂愁人情元爾爾世故日悠悠  
滄海乘桴意蘆峰築室謀相期在事外會向聖門求

門一作賢

敬次伯父題壁韻



茫茫往事更何言  
盡室當時未暖淪  
蕭瑟荒山一草  
屋空將晚節  
託前人

其二

只有青山不我欺  
歸來相對每依依  
華陰花鳥知何  
似  
兩地應同物外期

又次前冬下屬韻

乾坤日覺鳳麟稀  
從政于今信殆而  
六食草衣元我  
分  
百年身事野人爲

伯父許過臨有日而凝佇  
不至輒次乙亥七月  
題壁韻見意

遲遲春日漸西傾  
豔豔雙池只自清  
花外小車殊不  
至隔簾無賴數禽鳴

閏三月初六日記事

林臥常晏起  
窻白聞啼鴉  
清池夜氣餘  
皎鏡無纖瑕  
盥濯照鬚麤  
嚙漱當井華  
初日之屋東  
照我池上花  
輕風不似昨  
冉冉弱柳斜  
春物固應爾  
景氣鮮清嘉  
何以陶茲辰  
無酒也有茶  
一爨讀我書  
厓幾思無邪

昨日風色甚惡  
今朝却清美

清泠瀨新樓書興

清泠溪上一松中  
太古籟偃蓋欲到地  
百牛可芘藉

霜厓下邈迤鳴王漱湍瀨不有神仙居焉稱勝美會  
我樓不百尺已出塵壑外元龍何足道堪著安期輩  
闌三落三池影動空翠內景晏微風度鱗鱗縠文碎  
何來兩鷄鶻弄作江湖態一笑得詩興落筆便三昧  
弄一作  
作泛

觀耕

菖杏春深布穀鳴田家次黍午煙生年衰自覺扶犁  
倦曳杖閒看柳外耕

別農巖

池花未落我先歸回首青山戀巖微傳語草堂新燕

卷之八

子重來秋社恐相違

余於每春秋例必入山今秋亦當來故云

### 入道峰

桃花三萬樹似入武陵行  
流水何時有荒塗自古橫  
日斜羸馬緩風暖袂衣輕  
十六年前向蒼峰刮眼明

### 待友

洞裏仙家住白雲  
桃花紅落雨紛紛  
佳期悵望知何

許萬文峰西日已曛

十五日率諸生善廟焚香崇兒韻

炯炯靈臺日出  
廟門松栢靜無風  
名香兩壑鐘煙

莫慚愧斯文一脉通

次崇兒韻

不負今春一段奇  
桃花得閨更開遲  
亂紅未肯隨流水  
應待先生把酒時

次崇兒韻

往事何須問祗林  
黌堂俯仰感彌襟  
蓮花峰外孤輪月  
誰會春陵去後心

次道以韻

一派閩溪瀉海東  
蒼山高聳幔亭峰  
春來多少迷津客  
花落無言九曲中

川上夜飲得霄字共賦

春山暝色皎微霄白石傳杯坐夜遙天外數峰搖酒  
綠月華先著最高標

夜飲舞雩壇行旅酬禮以空山無人水流花開  
分韻得空字

峨峨道峰山鬱鬱神京東下有百折溪水石相玲瓏  
杉松矯白雲萼荔裊青楓昔賢所盤桓俎豆儼明宮  
曠世挹遺烈感慨激懦衷我來三月暮草樹已蔥蘢  
洗洗青衿子共追舞雩風聞庭老槐陰古壇飛花紅  
留連二日歡夜飲清晝同揖讓用周禮朋樽殊不空  
點瑟何用鼓鳴泉自絲桐物累良已遣道心穆以融

一笑顧世間野馬春濛濛獨有雲表峰不墮塵壺中  
歎息謂諸子永謝利名叢

諸友將以次出山臨溪酌酒爲別用唐人韻各

賦二絕

日暖春山鹿養茸煙蘿漠漠樹重重空樽臥石生離  
思徒倚溪西四五松

其二

雲如孤客戀羣游水逐歸人少緩流今夜空山子規  
裏不須明月更樓頭

臨別口號

沽取村醪草塞瓶  
離杯緩酌暮山青  
知君也愛春湖色  
他日相期漢上亭

黃遠伯 劍江榭見盆梅有感

淚濺盆中半落梅  
澹雲微月起徘徊  
齋東老樹魂先斷  
應為無人索笑來

黃之亡于杜河所居書室有梅樹名索笑菴其死前數月梅

忽枯

過索笑菴

虛室凝塵幾許深  
墻陰寂寂轉春禽  
徘徊未忍窺惟戶  
恐觸圖書淚不禁

共起子直登漁舟子直有詩次之



挑花春浪漫危樓  
匝岸青山映醉眸  
一笑回看浮世  
狹憑君莫小釣魚舟  
子立以舟窄願不自安故云

沈監司楷挽

青松名閭邁觀津  
王室榮姻代有人  
宦業差池猶  
國器襟懷沖曠自  
天真北辰晚致司  
喉地南路新行  
有脚春白馬流蘇  
非舊日翳桑隨處  
泣饑民

成川尹使君仲綱世紀將行投簡求別語且寄

一壺酒賦贈

宦途傾奪使人愁  
只有為州少歇休  
誰似成都新太守  
板輿扶上降仙樓

其二

欲讀離騷酒盞空江樓兀坐感秋風一壺爽餽非無  
意萬事消除痛飲中

李判書美叔

秀聲挽

盛名豈敢共嶙峋傑出雲孫是蓋臣早歲河南門下  
士晚年元祐籍中人秋花老圃心期獨春物玄都色  
態新痛惜泉扃埋國器時艱滿目重沾巾

沈玄玉

玄

委在江榭不相見十數年矣聯枕晤

語臨別索詩甚勤口占一絕以贈

相看鬢白髮一似隔別生江閣懸燈語秋蟲共立更

往棲水鍾寺

遯世猶嫌淺棲巖欲絕蹤水鍾非遠寺雲古自高峰  
落景看歸鳥窮陰有蟄龍心知二三子候我倚門松  
十五夜與諸生會坐隨意誦古詩明日各賦絕  
句記之示諸生

千秋卷葉耳空多若箇能聞古樂和尚賴周詩三百  
在餘音隱約聽絃歌

其二

六義分明互列陳蟲魚箋註更紛纒如何七十升堂  
丙見許言詩只二人以上三百篇

其二

一讀應須酒百杯  
寒燈投淚有餘哀  
最憐山鬼幽篁  
意歲暮靈脩望不來

其四

空山後夜月幽幽  
萬里湘江入戶流  
悔不初歌遠游

賦却從禪室  
忘閒愁

以上楚辭

其五

從古流傳漢二京  
堪嗟作者不知名  
千金一字驚心

鬼須信鍾生是善評

其六

絕調天成不易親當時曹陸亦逡巡何人敢擬胡寬  
手雞犬新豐竟未真

以上十九首

其七

白首徘徊漢鼎傍詩篇徃徃逗心腸千秋處仲真知  
已不詠當時吐哺章

其八

礪石東臨詠壯觀悲風蕭瑟起洪濶也知不及三侯  
盛猶著橫汾伯仲看

以上曹詩

十五夜東臺與諸生臨眺

地有前宵雪天空此夕雲東臺無限月老子共諸君

爽氣千林得清光二水分誰言寸心丙可使著塵氛  
夜坐有吟寄書院諸生

書卷千峰上心齋五夜中雪留虛室白火宿小爐紅  
境絕何人到形忘數子同今宵漢上院幾箇夢禪宮  
敬次伯父下示韻

終古難明去就真權時處義孰停均餘生只覺深藏  
是達節還須是聖人

其二

數椽茅屋白雲中夢裏歸來四壁空回首東峰舊隱  
處百年心事愧斯翁

宗嫂柳孺人挽

自我一去北里久十年不醉楓溪酒  
楓溪往事誠可憶楓溪老嫂有令德  
截髮不惜供賓筵咄嗟珍羞酒如泉  
興酣落筆縱高詠側耳瑣珮中簾靜  
嗚呼女士誰與比懿範遠稱河東氏  
我兄宿昔才絕世七裏黼黻隨手製  
惜哉天不與華國盛年奇疾孰醫得  
鳳凰拉香未奮翼家聲寂寞承相宅  
百年亭子兀太古獨有哲婦持門戶  
赤木蒼杉儼階祀四時不斷三池水  
老阮已矣車轍窮仲容尚有竹林風  
亭臺分付作主人詞翰相邀必佳賓  
就中莫逆與吾歡百篇賦詩多

於山月墮參橫每不歸既醉呼酒更無疑祇今萬事  
不勝悲向來此樂何由追畏途日看天地窄故里已  
作山河隔東陵柳車今復出西崦楓林更蕭瑟寒米  
皎皎采藻泉積雪嚴嚴飛旄天遙聞涕淚滿四隣早  
識微音在六親會須作傳紀美實嗟吾未借劉向筆  
空山俯仰將奈何但詠在昔爲長歌

吳上舍啓休

玄錫

千里命駕託以兩郎其意甚

勤臨去索詩不置輒次林德潤韻以贈

戊寅

憶曾相識自林家今日重逢鬢已華欲說悲歡九年  
事長江不盡浪淘沙



吳君與德涵交好甚密且識其平生爲學本末  
以余亦同契也相對數數道及歎惜不已見誦  
一絕雖甚寂寥猶想見其適從留連之意益令  
人與感聊賦小詩見意

逢君半是說滄浪聽誦遺篇淚更長身後虛亭二徑  
在草深無復過求羊

九日與諸生攜酒登高

臥病那能負菊觴小驢扶我上高岡森森萬木知霜  
氣歷歷三洲見夕陽老去尚堪供節序心期久已託  
滄浪不須更問明年健且較樽前與短長

其二

百尺危臺迥絕塵登臨是處作佳辰  
中洲鴻鴈悲何事高冢麒麟臥  
古人酒盞欲吹湖水綠鬢毛盞照菊  
花新黃昏有月應須待不耐風多感角巾

其三

水寒沙白繞亭臺懷抱尋常得自開  
數子青衿言院至一壺新酒廣州來  
江湖在眼兼憂樂日月依辰有  
往迴勝處還憐兄弟隔停杯把菊意悠哉

效劍南

已了吾生更不憂初成漁屋俯三洲  
連村荒徑無深

輟近拜胡床替小樓  
棗頰頰時園屢涉  
蠓臍黃處酒  
新篇挽回春  
運諸公在退士  
唯爲一飽謀

次劍南新涼夜坐韻

閒中歲月謾飛騰  
學道爲名愧不曾  
家蓄羊裘堪學  
釣人貽芒屨  
擬尋僧  
新霜遠岸明  
烏柏遙夜寒  
沙落  
蠓燈他日揚州誰續  
詩三洲縱小也宜增

繩履堅綴具常  
最宜山行故云

又次京隣築舍韻

洛陽亭館競渠渠  
隨分江湖亦闔廬  
懶設藩籬礙清  
曠任從人客恠  
荒蕪閉門臥聽  
三更葉  
扶杖行窺  
百

壽星廟寫

尺魚最愛東樓先得日紙窗明透助看書

九月十一曉

夜如何其雞既鳴江樓布被欲寒生夢中師友猶前  
面覺後風湍又昨聲往事悠悠生百感衰懷歷歷有  
孤明一杯澆下非無酒更被微病久未平

是夜夢見  
九翁及李

美叔

次劍南山房韻

臥起羣書每在旁葦簾終日掩聞房羸形腰帶幾分  
緩老態眉毫一寸長木食未能忘弋釣水居兼欲具  
林塘丈夫身計斯為泰敢望功名紀太常

又次野渡韻

臥病江湖已白頭，浮榮遣盡若雲收。  
五噫誰識梁鴻恨，九辯空悲宋玉秋。  
水濶雲沙無弋鴈，天寒野步少爭舟。  
短衣至駢非吾耻，叩角何須怨飯牛。

擎天來宿朝起共次子益前日留題韻

木落森羣岫，江明繞一床。  
沙洲轉清迥，夜鴈每回翔。  
我病猶高興，君來且淺觴。  
通宵有皎月，喜得話詩長。

十八日卽事

步下灣碕愛水清，磯頭兀坐見魚行。  
小舟逆浪知誰子，驚起沙鴻陣不成。

其二

老石槎牙落漲痕坐來真似踞龜鼈何時長得松千尺  
尺蔭著漁竿與酒樽

其三

暖日輕風絕似春遙岑晴碧更氤氳無人不到名場去  
對影清江獨老身時諸京惜

詠小菊蛺蝶

一枝寒菊不成叢小蝶飛來在草中多少世人爭集  
苑憐渠寂寞似衰翁

入道峰

青峰萬丈出遠識靜菴祠蕭瑟初冬候蒼茫數子期  
寒流渡馬淺老菊向人垂倚杖雪壇久春游憶在茲  
次崇兒韻

寒山望漸近澗道水交橫有約誰先至無人我獨行  
桃源初犬吠槐市復書聲夜枕應清甚臨流閣已成  
夜宿光風堂感懷

曾在壬戌年余以有司來處光風堂閔友彥  
暉以升適寓東邊一小室二宿始別去講論  
之樂每不能忘十七年後始復來宿此堂而  
彥暉旣爲古人矣悵然有感詩以識之

客游際秋冬寥落意易傷山深景彌短谷虛風更涼  
悠悠十七載燈火復此堂憶與閔彥暉對宿東西房  
更深聞誦書側耳聲琅琅二朝討名理出入窮皇王  
少年志方壯相期萬里長吾衰今已矣子死更茫茫  
人生詎足恃迅速本無常嗟爾二三子努力愛日光

朝起有雪

睡起微有雪地清無復塵不妨黃菊凍轉見老松真  
峰迴叅危坐雲移近角巾一杯聊自煖更與落樓新  
枕流堂夜坐共賦深字

微雪空山歲載陰高樓木落聽蕭森蓮峰爽氣無昏



曉錦石流湍自古今春服憶遊三月暮夜燈如坐一  
原深白雲與滅君應見休遣浮名望素襟

其二

水樓新轅斧斤音一宿吾先試枕衾夢裏維舟在二  
峽覺來聞雨集千林清歸詩律如增韻寒逼杯觴不  
厭深晴曉開門又在賞絳霞微暈最高岑

士敬贈盆梅有詩次韻以報

西山梅樹寄來新萬點花開絕倒人何似江南逢  
使寥寥只贈一枝春

其二

詩將梅藥一般新  
南阮風流白可人  
雪裏白頭堪  
臥何從窮谷得陽春

其二

子月梅花已漸漸  
相逢林下可憐人  
冰霜標格由來  
別肯乞東皇雨露春

其四

世間何限白頭新  
傾蓋梅花似故人  
相守自今端可  
老閉門寧逐洛陽春

甲串有感

雪裏悲歌望甲津  
北風吹馬度城闌  
滄流未洗英雄

恨涕淚空霑戰伐塵今日朝廷增設險古來天塹更  
須人時平臥憇樓船將寄語臨危莫愛身

賦梅用疎影橫斜水清淺爲韻

西山一樹梅老幹橫扶疎珍重素心人寄我三洲廬  
的礫萬蓓蕾玉佩綴瓊瑤碧馨香盈我室報之欲何如

其二

宿昔慕高韻夢想大庾嶺道途莫萬里心期但耿耿  
何意尺土力令我踐斯境會須三五月更照南窗影

其三

客游旬有日歸來花已盈入門察一笑舉觴爲屢傾

恍然羅浮下編袂夜相迎梳肱臥其側莫問三星橫

其四

耿介絕俗姿雅不宜京華不有吾廬勝安所館此花  
澄江映戶牖沙嶼白縈斜舉手試問渠何似林氏家

其五

北風吹高樓夜雪皓千里歲寒益蕭灑獨立傍雲水  
玉貌蹈海人清風采薇士曠世不復有嗟子無乃是

其六

仲舉歎鄙吝謂不見黃生况我慚古人安可少此况  
並立雖不言飲人以和清但恐零落去坐使塵慮嬰

其七

邵氏先天圖濂翁太極圈陽陰互根芽造化密移轉  
宿昔玩陳編此意看猶淺歸來梅樹下邂逅天機顯  
子益來宿曉起有詩次之

曉枕聞君詠詩成卽楚聲悠悠感窮臘兀兀向殘更  
湍駭何時歇雞寒不已鳴心期百年濶寵辱幾人驚  
梅花就謝而月始向明感而有作

西陸初弦月南枝半落梅極知他夜滿無那隔年開  
心寧差池却芳馨瀾漫繞山城雲水外曉角莫吹哀  
臘月十五夜卽事

江月連江雪虛明共一樓殘燈從汝滅淺酌有兒酬  
掩卷悲唐寧園鑑說武侯西廂歸臥處又為落梅愁

是夜讀陸宣公論襄陽  
奏選述及諸葛武侯事

淮陽使君俞道叔信一臨行在顧江舍歸後又  
寄詩為別語及禍故之際感激鄭重謹追步見

意

五馬東行問索居別懷聊得暫時舒白頭好去淮陽  
臥痛哭休陳賈誼書楓嶽仙人應待子漢陂鴻鴈正  
愁余雲山結社他時約不用臨歧更挽裾

其二

麋鹿竈鼯且共居何年地下逐龍舒深悲已歲直成  
識長愧緹縈舊上書勲業青冥爭致主冰霜窮谷  
孰華余感君詩語殷勤甚十日幽吟淚滿裾

大雪後子並來會共賦臯字

積雪三洲文許高江樓吟興頓生豪騎驟有客知吾  
弟授簡何人笑爾曹盆樹細香吹對酒冰灘遠韻落  
掉毫月明未覺羊裘冷更欲相將上釣艸

其二

汀樹風多晚更號下簾臥聽雪騷騷掃開積素微成  
徑行愛飛花亂入袍暝色煙霾廣州盡清暉月上漢

跋高白頭自笑餘詩興拄杖多時立斷臯

次子益韻

江樓寂默坐相看酒冷鑪灰欲夜闌梅藥一床人共  
笑月光三島雪俱寒金丹龍虎朱顏落山木牛羊道  
氣殘何限此時憂樂意無基寫出有水灘何限一  
作耿耿

十八夜

皎皎天中月晶晶地上雪輝光兩相得埃壒一以絕  
萬象在其間何者非鮮潔寒江况虛映重以響清越  
我興爲罷讀出門立喘嶮冷然欲遣世獨夜興難歇  
中洲吐音氣髮髮屢興滅復茲攬變態移時未還室



子益過廣津黃氏亭有感懷二律寄示和之  
詩來見說廣陵過卽事無如感慨何玉貌他年歌雲  
月書樓今日邈山河虛橫釣艇江流永不見梅花雪  
片多聽此令人意惆悵出門西望一悲歌

其二

時月猶生鄙吝心三年况隔夜臺深吟辨江上空衰  
疾倦仰人間遠古今小閣垂帷疑尚在扁舟扣世欲  
誰尋幽吟歲暮無窮意更爲君詩淚不禁

除夕詠所見

島霧汀煙欲放春冰江幾處拼龍鱗黃昏燈火分南

岸打鼓船船賽水神

除女次東坡簡齋劍南牧齋韻

清樽守歲弟兄違  
小屋臨江煙火微  
老境漸同羈客  
住幾年似送故人歸  
蕭條握馬吟相向  
驅勝村雞鳴  
不稀一笑眼前兒  
女戲舊時行樂尚依依

右東坡韻

世間憂患飽曾更  
雙眼何時看太平  
已覺駸駸前路  
近空餘耿耿此心明  
青山埋骨終當朽  
白雪渾頭未  
用驚麤喜浮蛆  
開小甕新年一醉足吾生

右簡齋韻

夜永寒樓燭灺紅樓西徙倚復樓東離心猿夢雲天  
外淚眼松楸雪冷中歲月飛騰真隙駟江湖寂寞  
冥鴻男兒事業猶難了不把文章但送窮

右劍南韻

江湖投老且偷閒婚嫁從今欲勿關簾閣梅花  
寒擣菡兒女酒樽間春聲枕外流水瀨夜色樓頭  
雪山傳語漁舟早料理釣竿行拂羨湖灣

右敬齋韻

皇朝集

皇朝集卷之五

[Faint, illegible text within the main body of the page, possibly bleed-through or very faded characters.]

藍辰巖集卷之六目錄

詩

元朝有懷京洛舊事口占示兒輩

生日感懷

春帖 三首

春夜與子益及諸生共步江岸賦得船字 二首

子益逸別伯父於月串城樓賦三絕次之 三首

甲串

金陵路中 二首

子益往訪積石寺即吾二人昔年讀書處也賦

一律示之

南門樓感懷

六首

洗心齋用池字與成進士景同賦

次贈成進士

和成進士喜雨詩

送成進士

早發江都至月串登舟次敬明韻

又賦

和敬明

至厚陵齋舍贈金寢郎用九

興教寺

馬上望天聖諸峰

松都

善竹橋

花潭

朴淵十首

又賦

大興洞

觀音窟朝起

太宗臺得仙字共賦

又得石字

靈通寺 二首

出山

崧陽書院

渡昇天浦和崇兒

登墩臺得臺字

賦得梨花追寄洪生世泰

哭仲惠兄 五首

普門菴 二首

書贈翁然上人



還山十首

白雲寺次示清長老 二首

金顯甫 克光 來訪兩夜同宿書院次韻贈別

同諸生登上江船至判事亭

漫書

詠懷故跡贈別同甫之任海州 七首

敬次伯父在華陰寄示韻 三首

將向江都夜吟示書院諸生

往江都過宿浩然 族弟 處大家枕畔置盆梅指

閣上韻覓題途中賦寄

江都元日五首

自江都歸家甲申舟中

天登路中

露梁三冢有感二首

冒雨向洞陰路次崇兒韻

寄宿芝洞憶同甫

又賦

雨至夜不已曉起星河皎然喜而有作

朝來風日極清美興發口占

蜂峴途中

翼日夕喜伯父至

朝起

伯父入谷雲選至元化壁崇兒有詩和之

元化壁

示任生弘載

入白雲洞口桃坪李生寺僧勝天相待仙游潭

李生爲設魚羹飯喜而賦示

曹溪和崇兒

次崇兒韻

清長老有詩若以余關雨爲喜次韻答之

歸自山寺金君錫龜持酒來候

暮投邑底次崇兒韻

金水亭

蒼玉屏 二首

六月十五夕攜崇兒及院齋一坐刺小舟至判

事亭沿洞夜深而歸

石室書院與士敬同賦聲字士敬時將赴湖邑

士敬內室挽

李兄仲深 津挽九首

農巖集卷之六

詩

元朝有懷京洛舊事口占示兒輩已卯

京都樂事歲時偏老向兒曹為細傳處處桃符懸  
墨家家憲畫換神仙朱門賓刺留三日翠內屠蘇起  
少年舊俗至今餘幾許雀羅窮巷口蕭然

生日感懷正月初

歎息流光競逝川今朝生日復懷然星真楚國靈均  
月身已淪陽太白年鑪鼎新功嗟噫器毀桑蓬遠志竟  
匏懸歎陸祀菊殘齡計且傍先人俎豆邊

春帖

箕水淙淙忽有聲小池蒲筍欲萌生經寒魚子能無  
恙已負輕冰作隊行

其二

汀沙欲動釣魚舟正月春聲已白鷗雪罷滿簾雲  
色攜書日日上東樓

其三

雪盡閒庭細草生何曾車馬款柴荆新春獨有朋來  
樂日永費堂聽誦聲

春夜與子益及諸生共步江岸賦得船字

樓外江光綠映天下簾長是坐翛然客來問字能攜  
酒春早無漁且繫船南陀暝煙深犬吠中洲孤月靜  
鷗眠亭臯吟望聊今夜立壑心期會百年

其二

何來獨鶴喚江煙可但歸鴻叫遠天槐市晚吟移斷  
岸錦屏遙興逗虛船春江浩浩通千里素月亭亭偃  
上弦借問君來曾幾日杖藜踏雪已前年

詞末

子益送別伯父於月市城樓歸說去留時景色  
賦三絕以示次之

樓外長江燕尾分鳴榔曉動遠猶聞憑君聽話東津  
別更覺離愁滿海雲

其二

海氣沈陰苦未分空齋愁入雨聲聞歸舟此夕知何  
岸多恐衣巾濕霧雲

其三

一雨靡蕪長幾分春來杜宇每愁聞燕陰歸興何由  
羨茅屋三年隔白雲

甲申

天險江都府風煙鎮海門檣高出樓外潮滿到城根



地積丁年恨春傷甲水魂悲歌和擊汰似有怒蛟翻

似一作疑

金陵路中

自江都往果川時

世事多於百草生西來幾日復東行金陵野潤連江浦  
華嶽峰高山漢京欲去春鴻迷道遠羣飛海鶴喜天晴  
踏青游騎知何處老興終然在耦耕

其二

江城騎馬見朝霞行到金陵日未斜雨濕海田難種  
麥春寒野樹不生花誰人北斗調元氣游子東風歎  
物華小圃三洲時恐晚關心獨有邵平瓜

予益往訪積石寺卽吾二人昔年讀書處也賦  
一律示之

知君游興欲成悲往事山中憶下帷古寺微鐘猶自  
響危臺綠蘚更深滋白頭不變恒河眼滄海重臨落  
日時見說居僧皆近住祇應龕佛是相知

南門樓感懷

紫氣南門亘斗牛吾家丞相大名留山河莫說金湯  
險撐拄乾坤只此樓

其二

虜馬如雲已海墘江都檢察醉猶眠譙樓火具空山

積却與忠臣取義便

一作已滿

其三

感激相隨有二生  
決雲同御祝融行  
撓槍避道收妖  
侵霹靂轟天震義聲

其四

童孫不愧汪錡名  
義僕能成附驥榮  
回首一時應覩  
百草間求活幾公卿

其五

往事悠悠逐逝波  
當時遺老問誰何  
棲鴉落日黃雲  
暮獨對春城攬涕多

其六

俠士徒酬上客恩，子長猶記魏東門。此中誰勒雲根石，倚薄摩尼萬古尊。

洗心齋用池字與成進士璟同賦

莫以官居鬧洗心，良在茲春陰滋露。并夜雨滴苔池，隱几寥天近扶藜。遠壑疑逢君成伴，宿詩興滿床帷。

次贈成進士

衝星古劍氣猶寬，炙轂豪談舌尚存。江海扁舟淹日月，風霜短褐信乾坤。放生正好爲梁客，皇甫還須儗鴈門。贈我新詩嗟歎久，白頭難盡是詞源。

和成進士喜雨詩

冥濠海氣接春宵佳雨聞聲遂達朝  
尼嶽重雲應鶴石甲津新水不關潮  
寵光樹樹分花藥喜色村村入  
麥苗正憶漢陂煙景好故園東望路迢迢

樹樹村村一作幾處

村干

送成進士

白纓青溪少日游回頭親友半山丘  
壯年不見吾成子三月相逢古沁州  
花動西園吟喜雨水生南浦送歸舟  
憑君莫戀巾車興樽酒重期鎮海樓

早發江都至月串登舟次敬明韻

潮頭灩灩浸春城青翰舟輕浪不生頗似昇天當日

快暮年豪興尚崢嶸

昔年仲父為江都余與子益來省因有天磨之游舟渡昇天浦

云

又賦

江城散初旭春纜放行舟本為尋山出還成泛海游  
微茫千雉遠空濶數帆浮邂逅三峰色天晴映花樓

和敬明

海晏輕鷗不避橈風吹春服好飄飄相看喜色浮眉  
宇早有奇峰出遠霄

至厚陵齋舍贈金寢郎用九

器一夏

伐木維舟處佳期問友生  
墻陰澹花鬼簷日鬧蜂聲  
地以園陵肅官仍韋布清  
相攜復高興明發上山行

興教寺

松栢喬山祇樹連招提鐘動五雲邊  
知君官興齊郎最夜夜僧來相對眠

馬上望天聖諸峰

已去名山近其如高興何  
霞標萬峰競黛色數州多  
隱約諸天處微茫昔日過  
巖泉應好在幾許長雲蘿

松都

古都二月草茸茸  
樵牧行歌處處逢  
搏鴨操雞空一  
統飛龍舞鳳尚千峰  
誰人欲住東流水  
是處還凋北  
嶺松愁絕永嘉詩  
上語暮煙殘郭復疎鐘

善竹橋

溪水幾幾溪草綠  
溪邊短碣記麗朝  
至今疑有葛弘  
血終古悲同豫讓橋  
已判存亡隨漢鼎  
寧論揖遜似  
虞韶  
褚生不死知何益  
長愧石頭城下謠

花潭

清溪發源深百折  
度山阿綠滄遂成潭  
白石旁蹉蹉  
上有蒼石臺床  
几若陳羅間  
昔徐夫子於此無舞婆娑



冥觀洞元化真樂不奈何風霆弄一九金石發浩歌  
旣塵雖日積靈府自天和遂令東韓士尚標西洛窩  
睠言歌考槃永懷碩人邁煙林哢好鳥雲壁蔓春蘿  
點瑟雖未鼓冠童且互哦所愧未聞道再來髮已皤  
仰止寄何處五冠高嵯峨

朴淵

東韓有此朴淵勝天下應爲瀑水難可說今成三度  
至須知不厭百回看

其二

勝絕羣兒叫不休白頭吾亦失千愁冰霜欲奪三春

令河漢長懸萬古流

其三

噴薄千崖勢欲崩  
灌來蒼土壁層層  
橫颯捲沫時高  
起倒落驚龜百尺藤

其四

蒼山白雨古來飛  
晝日松杉濕不歸  
滿面行塵須一  
洗就中誰敢惜春衣

其五

隨風映日弄翩翩  
逸態奇姿不可論  
試問傍人得似  
否白雲飛舞下崑崙

其六

變態應須遠近看  
籃輿倚樹欲歸難  
清樽屢換蒼苔石  
隨意西峰日半竿

其七

匹練長虹揔形似  
古來此物最難詩  
何人定與傳神出  
除是詩家有顧癡

其八

翠壁丹崖凜鬼神  
危松一一老龍鱗  
相將倒影澄潭綠  
何處堪容世界塵

其九

聞說潭龍自古靈  
雲壇白日起雷靈  
十春抱子何人見  
夜夜幽吟僧只聽

其十

前攜阿弟後崔李  
三十年曾再度行  
試掃古松陰下石  
蒼苔蝕盡舊題名

又賦

大潭濶百畝小潭深蓄黛  
下上一石壁千尺無破碎  
造物頗經營為此瀑布大  
飛來似無端直下復誰礙  
聲殷萬峰頂勢穿九地內  
鴻濛接太始雪霜雜煙靄  
中有四時風不盡吹衫槍  
神竦倚高臺仰望整巾帶

羣仙下北斗垂足濯清瀨飄飄素霓旗影閃空翠外  
髣象極物類古來非一槩徒誇壯麗容孰究竒逸態  
而余幸二至於此獨深會諒知天下絕當與香鑪對  
延佇窮日力高歌答天籟如聞龍欲出時用酒相酌  
徃事傳幽異恍惚迷年代空指柳毅井豈見神女珮  
棄置不足論高興且吾輩

### 大興洞

峨峨天磨山聖居相對起負勢兩不下千仞競高峙  
一氣所結成磅礴無表裏巖厓錯犬牙臂肘互加倚  
中開十里峽交受百泉委噴薄鳴風雷淪漣漾文綺

雄麗自古稱時物况清美峰霞弄霽氛溪日舒暄曷  
卉木雖未敷徃徃見丹藥選勝舞雩同攜手弟姪以  
飄飄六冠者婉孌一童子羣行無老少冥搜備恢詭  
松茂蔭同企石竒坐屢徙龜潭窺靈霽馬瀑濯清泚  
偉哉朴生淵勝絕無與比森凜動毛髮滌蕩快心耳  
如聽舜簫韶壯觀止於此歸還臥石室燈火照隱几  
徃事忽寤懷卅載一彈指豈無舊僧在相看各不記  
當時同游者叔也不在是况乃四比丘何處問生死  
萬變如浮雲不改唯山水衰顏已白髮大藥闕金丹  
縱饒婚嫁畢重來詎可擬感歎遂成詩聊以示季氏

莫令兒輩覺還恐損歡喜

觀音窟朝起

冥宿翠微內白雲生臥所起來忽自驚還問此何許  
不省夜來雨花上露猶溼盥濯漱巖泉梳頭聽禽語  
欲歸蘿徑長聊此復延佇

太宗臺得仙字共賦

歷歷巖松雲翠邊溪南溪北坐翛然歸還欲向世間  
說多恐人疑曾化仙

又得石字

朝雨雖時滴未遽妨游屐筇笠借僧戴羣去踏白石

山氣方陰澹潭光自縹碧危臺懸一松根纏老石折  
攀登競高興孤迥抵百尺企余但坐觀幽巖聊自適  
清源翫文漪古苔悅竒色素心久有在於焉寄冲寂  
雖未終歲年尚欲永日夕

靈通寺

靈通游已久但憶入山深翳翳石林色寥寥鐘鼓音  
寺空彈指劫客至白頭吟繫馬長廊下前塵悵道心

其二

花氣雨來徧僧居煙裏深溪行萬蒼石樓對五青岑  
蔡光記猶在翠軒詩可吟前朝那復問碑字欲生金



出山

飛瀑聲猶在耳間  
仙源一宿便塵寰  
歸鞍花映高低  
樹望眼雲遮表裏  
山無賴春光空自好  
相隨流水不成還  
堪嗟白髮今如許  
可卜丹梯得更攀

崧陽書院

善竹橋邊已愴情  
崧陽廟下更沾纓  
春風萬里空花  
發夜雨青山有蕨生  
百死精忠歌曲壯  
七分儀像畫圖明  
巋然梁棟堪千古  
故國城池半已平

渡昇天浦和崇兒

遮莫風濤惡無如客興豪  
青天歌片席白雪灑春袍

一笑看鯨鱣長歌命酒醪孤槎縱失勢未害上二六高

登墩臺得臺字

落日停颿睥睨隈海天空濶一高臺關防也屬他時  
事戍客相迎勸酒杯

賦得梨花追寄洪生世泰

梨花可憐樹春去欲如何落葉吹池徧餘香人酒多  
故人從此遠黃鳥爲誰過獨倚西軒久因風想掉歌

哭仲惠兄

去年木落時兄來就我別別離歲當周晤語景未跌  
川塗一以濶悵恨久如結只有雙鯉書時來慰寂蕤

嗚呼不復見千古永相訣  
一哀向南雲泣涕零如雪

其二

楓溪丞相宅磊落忠義門  
族父孝承家兄又秀後昆  
耿介出人操欬曲敦親恩  
立朝秉孤直人畏勁切言  
况當鼎革初益戒消長根  
手裏一寸膠欲救黃河渾  
激揚時則然調劑本所存  
世道日靡靡感慨終不諼  
上天又奪速善類同傷魂  
風翻有餘勁惜哉不盡寫  
只應修姱節不愧文忠孫

其三

白馬垂流蘇終綢拂靈輶  
萬人哭相送非復觀風游

涕淚濺甘棠炎風變颼颼慘愴舊旌榮  
回指拱北樓悠悠京闕戀死去應難休  
誰令錦江水不入清漢流

其四

韋門花樹會謝家池草吟此道世少講  
風流在我金羣從昔具邇歡讌每西林  
浮觴曲沼濱揮翰青楓陰周旋衆所同  
切磋公獨深每於兄弟內許我爲知音  
十年更變故散爲商與參會面雖日稀  
相照有素襟素襟竟悠悠脩夜何沈沈  
新墳望何許路遠吾未臨永懷素車人  
有愧平生心

其五

平生首丘願臨沒更顧囑歸歎青松麓永託先人足  
未命豈曾亂孝心良所篤云何竟乖違遠寄荒山谷  
一臥遂無能旅魂空躑躅蒼茫錦囊術未聞前聖錄  
寄語仁孝人尚思反弊俗

普門卷

落日煙波浩淼漫中流藏棹得青巒諸天忽已攀蘿  
到三島誰言采藥難太始窟深泉湛湛千人石迴月  
團團蚌胎此夜饒光氣應是高僧獨自看

其二

孤島重溟絕四隣更憐巖窟淨無塵空明未許棹輜

嘉慶庚子集  
蝠閉鑿渾疑有鬼神浪裏看山是鼇背夜深聽梵只  
鯨人爾來轉覺豪區隘願借繩床老此身

會於己未余在永平白雲山下一日與伯氏騎  
牛訪普門菴有僧名翕然方與其徒十數人爲  
精進會徹夜聞禪誦聲心欣然久而不忘今者  
從伯氏子江都偶聞海中有普門菴境界勝絕  
同舟來訪則翕師又適在焉二十年間邂逅再  
晤於所不期之地而菴名又皆普門良可異也  
師又出其所藏傳燈錄指其卷面題字示余曰  
此公筆也當時蓋以此爲異日符信而今果驗

矣余始惘然不省追理良久恍若夢醒自念此  
生固已無四方之志而師之瓶錫隨緣初未有  
係著未知他日得復邂逅於何處或能如今日  
否感歎之餘聊賦一詩以贈請師試燕去更觀  
後來驗否可也

每憶騎牛過翕公夜聞禪誦白雲中忽驚絕海相逢  
再更恠精廬舊號同貝葉題籤如昨日楊枝在手幾  
春風殘生未卜重來此瓶錫他時倘復東

還山

別山懷耿耿還山意得得還山何所樂我亦不自識

向來一釣舟瀟灑輕鷗側尚疑淡水綠不似白雲色  
禽魚各異性難以論通塞

其二

弊廬交風雨壞漏多所傷綢繆雖未暇灑掃且不妨  
僕夫走布席開戶坐我床翳然庭樹內雙池如舊光  
夕飯隨暝色已聞松菌香旣飽旋安眠卽此意悠長

其三

中庭數畝地手種卉木繁常恨沙土瘠難與膏壤論  
今來頗慰意稍欲成林園連翹蔭半池垂柳高過門  
瑞香及玫瑰躑躅並山礬一一各成長枝葉鬱以蔭



獨憐老叢菊憔悴僅有存培壅苦不早蕭艾誰見尊  
亦知霜露近且復鋤其根明年好作花滿意浮我樽

其四

矯矯海松樹五鬣稱自古昔種纔尺餘今已二丈許  
別來曾幾時如經十寒暑吾衰不自覺觸眼驚見汝  
尚擬食其實屈指獨心語

其五

我昔鑿三池本爲荷蓴魚蕪穢久不治一竿生荻蘆  
清泉固有源活水不會枯戢戢蓴稍出發發魚可取  
吳會何必憶眼前生五湖便作羹膾計雖早未爲迂

白頭尚清債未了種芙蓉何當滿樓香坐披瀛溪書

其六

溪行散幽步澗谷多變易崖空老樹捲潭淺崩沙積  
見說去年水平地高十尺鬼神鞭蛟龍驅下萬壑窄  
憑陵物何有幸未拔屋宅却喜蕩舊餘無復萍穢跡  
一川何皓皓玲瓏盡白石乘除略相當未足興歎惜

其七

自我不歸山數年人事變里間半喪亡舊人多不見  
尊金最可憶墓草宿一徧昨過燕谷村駐馬涕如霰  
平生好心事於我特深眷躬耕氣不低痛快靡宛

高聲撼我屋，詼笑雜俚諺。  
桑麻好商較，雞豚洽歡讌。  
奄忽百年期，事往劇飛電。  
獨立向溪山，歷歷舊游踐。

其八

夜雨洗秋暎，豆田霑旣足。  
晨興望白雲，山氣晴夏肅。  
興到不待人，一驟向幽谷。  
巖徑豈不巖，我行良已熟。  
涸涸龜汀水，翳翳桃坪屋。  
仙潭境彌清，歇鞍坐空曲。  
邂逅得林僧，似來伴幽獨。  
一笑何所贈，山果紅映掬。

其九

逶迤上寺門，日午鐘聲疎。  
老宿苦畏客，見我色敷腴。  
茶果勸淹留，晚飯出香厨。  
苦辭秋雨慳，松蘿出未敷。

爲公勤米授奉此何區區慚愧謝山人一飽還有餘  
攜歸莫笑饒此物少江湖

其十

飯餘策杖出徐步信所之二僧忽我後不命自來隨  
知我愛曹溪同我購欵崎隔林見霜雪素石映離離  
窺臨眩以驚未覺叫絕竒來往已十年所見未有茲  
飛泉弄霽色小泓生文漪濯手坐巖阿揮弄碧琉璃  
欲去未能起山日已西歎安得一把茅卒歲長棲遲

白雲寺次示清長老

幽興朝來入翠微寺門流水過荆扉山中老宿相看

笑問我三年始一歸

其二

度水穿林一徑微  
白驪隨意款僧扉  
秋山佳興知何似  
滿把松芝贈我歸

金顯甫

克光

來訪兩夜同宿書院次韻贈別

參辰幾載各他鄉  
信宿焉知共此堂  
耿耿一心徒自是  
悠悠往事損堪傷  
潛龍大澤雲沙靜  
征鴈南天道路長  
送後江樓愁獨臥  
夜來還恐月臨床

同諸生登上江船至判事亭

盧老詩中判事亭登臨此夕意冥冥  
江山寥落餘篇

翰今古蕭條一酒瓶沙白哀鴻紛近渚霜黃老樹獨  
虛庭杖藜坐候歸舟晚泓下龍吟好更聽

漫書

無錢空對菊無網空羨魚萬事苦難足高臥心自如  
寒江日悠悠秋色映我書晨起且一讀於此味真腹  
詠懷故跡贈別同甫之任海州

首陽山色滿西州此地曾經童子游四十二年如夢  
過送君今日意悠悠

其二

最憶城東廣石川虛亭暑月濯潺湲綠潭操網官僮

捷項刻銀唇到案邊 廣石

其三

爭弄芙蓉上畫堂李家兄弟每相將關二十一今何  
似淚落寒天憶伯祥 芙蓉堂

其四

許氏亭前潭映松春游冠服幾從容至今猶憶嵌空  
石人道溪中昔化龍 許亭

其五

縈雲粉堞古城長老木寒藤隱上方當日題詩猶記  
得高臺吹笛海茫茫 山城○第四節  
當時詩中語也

其六

採蕨何曾東海饜誰將二子與名臺箕封魯言無周  
粟詎識英靈不此來 二子

其七

九曲溪潭問若何長嗟少日失經過白頭更覺添通

負未續華陽老子歌 石潭○尤翁所命格  
歌詩尚未和成故云

敬次伯父在華陰寄示韻

華陰深處小精廬逃世真同木石居踏雪時來嗟白

足梅花一席話真如 間有龍釋詩  
來損伴故云

其二



雲裏江聲臥獨聞  
陶鑪布被養吾真  
寒梅開徧無相  
報懷望山阿若有人

其三

聞道除書有姓名  
山中麋鹿亦相驚  
不知菴下溪流  
在應見千秋洗耳情

將向江都夜吟示書院諸生

院裏青吟子齋頭綠萼梅  
向來相藉在此去故遲回  
雲海他時濶寒江永夜哀  
別離應更見最惜歲華催  
往江都過宿浩然弟盛大家  
枕畔置盆梅數  
萼炯然指閣上韻覓題途中賦寄

梅小憐更劇故令親臥床從君一夜宿歸路滿衣香

江都元日 庚辰

不分官醪滿甕春寥寥除夕只傷神客窗臥聽晨雞  
動復是平頭五十人

其二

少日猶悲北海書今來親見意何如人生五十須臾  
事說與兒曹莫放疎

其三

右軍書法蜀州詩舊學新功各自奇老去關心無一  
事唯餘遺愛是吾師

其四

海國春光入去年層城華屋藹風煙白頭梳罷晨窻  
下坐見村童放紙鳶

其五

石室樓臺映綠漪今年正月已流澌青衿幾箇能相  
待悵望春天有所思

自江都歸家甲申舟中

澤國新年起早鴻歸鞍吾亦溯東風城邊野馬吹春  
動渡口冰澌卷海空世事天機從冉冉物情人意也  
融融舟移背指樓臺好花發他時問梵宮

天登路中

天登橋外野漫漫一尺春泥上馬鞍已覺衰年行役  
倦况經多雨道途難盤雲獨鶴何由羨隔水三峰且  
好看東望吾廬猶百里今宵應更夢漁竿

露梁二家有感

颯爽春天變雪霜蕭條古壠寄綱常玉環縱少當時  
殉碧血猶微是處藏數字荒碑唯有姓千秋朽骨尚  
聞香英靈陟降知何所錦水東來接露梁

其二

登瀛人比十八士橫槩詩傳二百鷹蓮去捐生同志

少時來佐命爾曹能黃鴈賜器今何在玄甲成山亦  
是崩爭似江臯數蓬顆經過終古有霑膺

冒雨向洞陰路次崇兒韻

莫以漢湖綠能忘雲峽清巖花歸騎映春服老身輕  
黯黯天須雨悠悠我且行見曹山水興已解薄浮榮

寄宿芝洞憶同甫

荒池古柳與清泉雞犬衡門靜夕煙峒客白鹽春雨  
下使君黃綬海雲邊幽花耿耿誰相待虛室寥寥且  
寄眠已識淵明歸意早何須更勒北山篇

又賦

爲問彭澤米何如商嶺芝多應倦束帶於此可忘飢  
小盃花枝近新泉石髮滋春天悵望久無使寄吾詩  
。雨至夜不已意甚愁寂曉起開戶星河皎然喜  
而有作

簷雨夜聲絕開窗星滿天鳴雞亦已動老興遂無眠  
瀾漫應春物蒼茫尚遠煙欲乘纖月去試更問前川  
朝來風日極清美興發口占

平生少適願幽事獨如期晴雨看天意溪山待我詩  
孤村爨煙細危石霧花歆去去中林異只應麋鹿知

蜂峴途中

入山行已深渡溪知幾十星散村戶迴霞蔚峰嶺集  
細泉齧崩石多雨路更澀年衰倦鞍馬春至起幽螿  
雖非籃輿游門生遠相及孺子興過我有詩欲成什  
欣然爲一笑曠懷遺快悒山林敢自傲且免受維繫  
回首冠蓋子擾擾只京邑

翼日夕喜伯父至

安穩茅齋裏歸還養病身澗蔬疑肉食林筵應雞晨  
隱几遲遲日看花寂寂春此時來伯父驚喜倒衣巾

朝起

無肉食更飽無事起還早小池供盥濯踰髮山日杲

幽鳥窻下啼車馬跡如掃俛仰空宇內何以娛懷抱  
門有自種柳庭生不除草羣書度高閣抽散隨所考  
耕種當及時引泉浸早稻山澤固本性未敢恨枯槁  
白雲自古今高臥堪送老人厭入境遠吾愛吾廬好  
伯父入谷雲送至元化壁崇兒有詩和之

春興那能免幽尋此更偏作聞啼鳥恠屢惜老松顛  
溪觸千回磴峰侵一握天白雲生馬首去住兩悠然  
元化壁

雲門積險阻絕壁開太古兀然九州外未經神禹斧  
磅礴只天成壯哉一氣聚昊穹有時傾此物可撐拄



每過欲下拜仰視誰敢侮寄命惟杉松千仞無寸土  
况乃金碧潤永絕埃壒腐清湍故映帶白雲與吞吐  
常懷眺增城頗疑割玄圃瓌姿詭易悉遲景忽過午  
極知非人境尚欲營我宇鑿翠抗危楹引蘿苔環堵  
卒歲究竒玩甘與麋鹿伍念此亦徒然三歎出澗戶  
安得鬼神力迭置羨江滸

示任生弘載

只謂春尚淺誰知花滿山君來真不後吾意欲忘還  
白石題詩滑蒼藤繫馬開東峰老仙遠紫氣悵雲間

末句意  
屬伯父

入白雲洞口望見仙游潭上有數人相待乃挑  
李坪李生及寺僧勝天也李生為設魚羹飯風  
。宋佳甚喜而賦示

入谷已佳與仙潭誰我迎僧知白雲寺客定是桃坪  
溪飯羹魚熟山花壞衲明他年記好事應獨數茲行

曹溪和崇兒

杖東溪去僧來却似期雲潭自成映風瀑巨禁吹  
世亂身須隱年侵興不衰幽吟暝鐘近蘿徑得歸遲

次崇兒韻

幾年重宿贊公房風雪寒燈憶對床未有退之文可

贈終慚何胤肉難忘疎鐘只似他時響白髮相看幾  
許長清曉微吟生百感臥聞山雨滴回廊

清長老有詩若以余關雨為喜次韻答之

世外相期二老游殘年來往儘風流  
白雲不盡青山

在可但蒲團半日留

杜子美贈贊上人詩與  
子成二老來往亦風流

歸白山寺金君錫龜持酒來候

高柳花相映清池雨細來微薰山寺酒更把野人杯  
萬事吾何有孤襟爾與開  
窪樽明日飲勝約莫遲回

明日約與金君請蒼玉  
屏玉屏有窪尊故云

暮投邑底次崇兒韻

古驛輕煙處蒼峰倦馬前洞陰爲縣小地主得人賢  
皂盞傾攜酒春溪借放船客盤驚異味山菜早新鮮

金水亭

春游已多日夙駕更侵星馬首知何處牛頭問古亭  
洞門分石扇江路接雲屏醞藉諸心賞環竒歎地形  
觴流仍襖節柯爛卽仙烏晉日追高會秦餘訝近荆  
坐隨花屢改興與境俱冥故屢移風磴搏罍上釣舠  
天陰沙更白雨氣壁渾青凌厲侵蛟窟沿泗曼鷺汀  
浪春蓬海筆苔漫石峰銘人代嗟如許川流詎或停  
不遑悲舊跡轉自感親丁疇昔陪先子登臨憶壯齡

秋清倚霜樹月皎臥宵櫺往事依備夢流光廿七螢  
恒河觀不變孤露涕空零已識哀隨樂唯應醉不醒  
行藏戀叢桂聚散信浮萍遲暮情何極長歌叩玉瓶

蒼玉屏

牛頭淵下相公村松岸維舟是廟門蒼蘚蝕題餘古  
壁綠波如酒漲窪搏神傳蜀像宗臣迴屏聳閩山大  
隱尊曠世心期余不隔幽棲况共一溪源

其二

丘壑巖廊道孰該風標應少漢唐來急流身已輕台  
鼎窮谷名猶列斗魁春暮哀鶻還哭墓天空白鶴不

歸臺秬今尚憶風雪興恨未曾隨浴詠廻拜鵬高古

時

六月十五夕攜崇兒及院齋二生刺小舟至判

事亭下沿洞夜深而歸

忽爾生佳興悠然上小舟火雲空萬里明月似高秋  
執熱能無濯浮杯有共酬溯沿從一棹取次盡三洲

石室書院與士敬同賦聲字士敬時將赴湖邑

江樓雨簟清把酒亂蟬鳴卽此相逢處還令別恨生  
新恩五馬去老病一舟橫遮莫參商遠因風想政聲

士敬內室挽辛巳

人生沈儷戚宜無早晚異少猶諸累輕老卽前期易  
較量二者間中歲最難度嗟哉吾士敬不幸罹此苦  
盆歌縱自寬腹悲詎能遣關心門內事昔賢所不免  
况遺未笄女重以割股兒觸事皆可傷有憂誰共之  
推生以知死魂鬼應餘恫祖載逝不留環佩闐房櫳  
風簷晨雷滴清池芳樹映惻愴安仁旬悽切蘇州詠  
此境可默想挽歌涕爲出壺彝未暇收且待彤史筆

李仲深 津挽 壬午

器宇堂堂早出羣更從師友廣知聞一時月朝徵題  
品俊及中間輒數君

其二

東山高臥李先生門館當年著二甥一室同參弄九  
趣小車時趁看花行

其三

靈芝洞裏幾篇詩太極亭邊一釣絲最憶小齋連被  
夜燈前歷歷話心期

其四

禮家雜服能詳究易象圖書解妙論茲事倘教君卒  
業詎慚黃蔡在柴門

其五



一哭山頽歲月遷舊徒蕭瑟各風煙憐君更切清漳  
疾志業虛拋少壯年

其六

病相枯槁子美詩元精浩蕩古來疑誰知  
質未老還爲螻蟻欺

其七

悠悠薄宦素心非草草中身與世違已識浮生同電  
訊堪嗟游子戴星歸

其八

脩短榮枯未要論且看身後有兒孫豈如白首西河

客死去無人哭勝猿

其九

北風丹旆遠悠揚歸觀湖天帶雪霜病臥寒郊人事  
絕送君唯有九哀章





詩

農

三